

HARVARD COLLEGE LIBRARY  
FROM THE  
HARVARD-YENCHING  
INSTITUTE  
JUL 18 1930

5

3150  
Ch L 3200.7141.83

九

臺縣志卷之九

文苑



北齊趙用建州人河清時貢孝廉策以十事對不如例弗

獲第歸而山居習靜與本空僧為方外交建修興善寺

勒石為記明碑稱其文體高潔今已漫滅無存

唐趙楚卿澤州人父元可上柱國楚卿有文望寶歷中第

進士官監察御史以直言稱子璟見人物

宋秦谷字洪川澤州人治平初進士與進士馬同同受學

於程明道顯一時科第蔚起以文與字名者甚眾谷有

鳳臺縣志 卷之九  
府城廟碑篆刻奇古殊絕

馬泰字履夫澤州人登熙寧時進士才學冠一時碑版記序多出其手撰天王堂記潔古有體書法亦蒼古可愛金吳芝字壽夫澤州人登明昌中進士家居不仕以詩酒自豪與刺史許安仁遊碧落峽石諸勝臨風對月吟咏甚夥後復與安仁子諫議古登鳳凰山遊福巖院題名於壁

母彥倫字俊卿登承安間進士博雅工詩與郡守詩安仁楊庭秀遊歷山水碧落峽石諸名勝多所唱酬

趙繼孟嘉靖乙未進士工詩文居官以風雅相尚累仕夔州府知府著憩鶴道人漫稿

司齊好學有志操湛深經術以經明行修舉未仕而卒

吳自省嘉靖甲子舉人幼沉静寡言笑刻志讀書知韓城縣九月懸車居鄉手一卷矻矻窮年足跡不入城市月旦高之

孟階嘉靖辛卯舉人幼好學醇謹無華居官之暇手不釋卷工詩能文著歷山漫稿仕終承天同知

鍾鏐字歛齋嘉靖乙酉科舉人才思英敏不喜作制舉業

日以詩賦陶情從兄鑑令武進時携鏐與錫并之江南  
延給諫王石谷爲師相與講詩文源流磨礪浸灌而學  
業大進鑑成進士鏐屢試不第遂無意進取銓次亦不  
赴以著作終所著詩文多散佚

鍾厚景泰間歲貢任鞏昌經歷性廉謹以禮法自守工吟  
詩時有佳句人以鮑叅軍目之

陳三晉隆慶拔貢官崇澤教諭能立師道講禮學以程朱  
爲宗力黜王陸之學一時推尊之

梁悌清時在官進心純潔著玉成稿武文周隆慶年貢官

臨潼知縣著大全質疑

魏大觀萬歷歲貢代州學正冲夷好學名士多出其門呂

大中丞重其爲人顏所居堂曰清正學者稱清正先生

林萃秀監生任河南扶溝訓導設帳談經衍安定湖州之

法謹考課親定甲乙士風丕變登科名者倍於前

孟聖教崇正庚午舉人才敏而學優工吟咏以詩名一時

登科後見世亂不求進取飲酒浩歌以終張養蒙志其

墓

國朝趙日輝字炳初康熙中拔貢有文名時號通才著孝

經集說語錄若干卷

趙嗣彥字仲瞻舉人官武邑知縣博洽負時望趙懿侯採其詩入晉風選范彪西採其文入晉國垂棘里黨碑板多出其手

陳元字長公順治己亥進士改庶吉士少受學於叔父昌期渾深博雅古文卓然成家與弟大學士廷敬迭爲師友後廷敬以文章名海內皆元教之也元告假歸里卒所著詩文甚夥今多散佚不傳

張肇昌字懋胤以例貢官泰安州倅擢河間府通判才

富工爲詩政事多暇登臨皆成文章所著有定世稿集董默菴訥歸惺崖元肅爲作序弟肇暉字旅門雲南趙州知州亦有詩名與韓慕廬蔡徐健菴乾學友著古天洞叢桂莊諸稿

董政順治丁亥進士常德府推官工詩能文陳廷翰康熙甲午舉人穎敏善書陳廷弼湖廣桂陽知州陞員外郎著清田錄趙求益舉人叅議九思子工詩趙懿採入晉風選

苗大素字含章乾隆辛酉舉人父喬年字鳧來讀書工詩

文內行醇備生平無疾言遠色足不出戶外望重里黨以諸生貢八成均雍正六年舉賢良方正辭不就石大中丞高其行命郡守劉毓岳表門閭選授沁源訓導未仕卒大素勵品行績學能文少年補諸生乾隆間山右以制舉業著者爲孟縣王編修瓊陽城田待御嘉穀適罷官家居嗜古爲後學倡一時詩古文翕然稱盛大素以諸生從兩君遊稱國士初有巨室慕其才欲壻之父辭以旣聘而巨室意甚殷願納女爲側室大素裁以義事乃寢爲文冥心獨往至悶入人家婦女驚怪若不聞

也每試輒冠曹偶提學彭廷訓沈文錦方伯許溶等號知文屬郡守朱樟周其乏樟雅識大素清操乘間示意果辭不納辛酉省試文爲房考所乙主司阮學浩搜遺卷得其文再三稱贊至察吏一策擊節曰晁賈無以過也遂獲售屢試春官不遇遂無意進取教授鄉里以終所著詩集若干卷留門人李仲升家李天死遂失傳子令琮乾隆辛卯舉人

馮繩祖字念菴幼負異才讀書能文時河南殷元福以制藝稱與爲莫逆交受業聞喜張克嶷通周易奧旨理學

師復齋莊亨陽以程朱爲宗選貢入太學大司成楊名  
時大爲賞識名重一時徐令民鐸提學山左延入幕拔  
取名宿如金鄉劉苞麗鉅野傅爾德定陶劉可考新城  
伊桂等癸酉登科名者四十餘人多成進士號爲知人  
晚年艱於遇落魄詩酒流寓歷下而卒所著詩古文及  
辨真吟藏於家

衛芳字含華少爲諸生以等高行優貢成均士林推重授  
授鄉里楊簡人仙枝朱西侯三英皆出其門卒之日貧  
無以殮陶太守自悅稱其和不傷介廉不戾俗當於古

人中求之

孝義

北魏蔡祐事親孝屋側產芝草人以其爲孝感所致官  
所有祿俸盡給族之貧乏者及卒家無餘貲人皆義之  
唐孟聞澤州人咸通中官禮部曹郎澤境峽石山舊無勅  
額聞爲奏請於朝勅賜青蓮寺爲額雖事涉佞佛而禮  
秩名山亦義行之一端也

郭存實澤州人晉稱天祐時官太原招信軍都虞侯晉梁  
分爭存實身在行間累立戰功嘗遊峽石山於羅漢樓

前立石幢爲記云惟願烽烟早息四民樂業以武臣而存是心其軫念民瘼任郵鄉里有足多者

後周郭思俊澤州人晉漢以來累立軍功廣順初官桂州尚書開國郡公致仕家居與同里父老結社事物修廟敦睦戚族恂恂如不及觀者不知爲貴公卿也據石經幢叙其官闕甚悉而名不見於史今其地猶號郭莊蓋爲其故里云

元司計字成憲官戶部郎曹至正末天下兵亂去官歸家故豐於財多義行出貲剏修文昌祠以崇文教曾於

### 衍記其事於石

和居中性敏博學篤於交遊潛德弗耀以高年者碩旌表

### 其門

明王仲達洪武二年舉孝廉令中江稷滿乞歸終養永樂間徵取堅志乞養如初贈勅獎諭給鉞錠以歸

景寧族指千餘五世同居洪武初旌門

明萬歷丙戌丁亥間大疫好義捐助設粥煮藥者顧州誌載有知州鄭際明高平知縣許安通陽城知縣王雅量各捐俸煮賑藩封捐祿有充琰等十六人搢紳捐米者



周盤等十五人生監助賑者有董二策等十三人修藥  
督施助米助銀民有馬世俱張垂芳等十七人又有庠  
生任敦化捐地四十畝供天井關聖廟春秋祀享庠生  
郭鎮邦捐施義塚一所

苗杰字謙齋煥之父生而淳篤不好弄弱冠入庠食餼試  
輒冠軍郡推德行之士以風厲衿帶率以杰爲首生平  
尚義重然諾有內戚孤嫠在室旁有豪欲奪其產當事  
者受其賂產且立破杰忿然面直之當事某啣甚會學  
使者按澤申夜搆蜚語中傷甫漏下五鼓無疾而卒翌

日同官於袖中得其草則相顧詫異謂杰之有天也屢  
試秋闈不獲售值子煥登第嘆曰有子如此奚必自我  
貴哉遂辭餼或有言少需歲可里選則笑曰吾業以貴  
須子乃不須一第而須一貢耶遂優游里居於名利之  
場泊如也以子煥貴贈如其官學者稱謙齋先生  
張祿張祐張智兄弟孝友母任氏歿共廬於墓次楊貞肅  
繼宗有詩美之見碑刻

朱仕樓鎮國將軍幼失怙母遭疾籲天請代旣葬坐卧一  
小軒終制不御酒肉不入內正德間旌門

朱成鎮隰川王諸孫父仕塲坐罪幽鳳陽成鎮微服走鳳陽視喪土疏自劾越禁乞負父骨歸葬澤州卽不得願爲庶人止墓側歲時省視詔許之乃奉喪歸第成鎮亦好學有志概嘉靖十三年上言雲中叛卒之變幸獲消弭究其釁端實貪酷官吏激成之臣慮天下之禍隱於民心異日不獨雲中而已指陳切直帝下廷臣飭行時以兄弟稱二難焉

朱成錢輔國將軍事父母問寢侍膳極誠親歿先後廬墓六年嘉靖間旌門

朱成鎮輔國將軍仁厚以孝謹著力學攻苦獨究性天之旨著太文錄二冊進上賜救獎之

朱聰涑奉國將軍性好儒學與弟聰澱聰澹居同學同友恭同嘉靖旌其堂曰孝義

石文奎自高祖玉歷五世同居一門敦睦食指幾千數無異意嘉靖間表閭

孟瀚自祖至姪寬四世同居無私財無諍語人稱義門

朱俊棟鎮國中尉母趙病危一禱而愈母壽九十孝養殊篤推擇宗正有清節妻段氏早逝不更娶卹庶兄俊樞

遺孤娶甚至捐田贍宗學出粟千石賑郡饑萬歷間下詔褒之歿賜祭葬長子充倌博古善書有內行設義田以給貧宗其仲曰充倌少慧力學善事父母兄弟五人同居不私一物父有異母兄弟三人孤而寡力佐卹之其季曰充營繼父為宗正萬歷中捐米八百石救荒得旨嘉獎

朱允燁輔國中尉宗約俊傑子孝友雅飭以厚產讓弟賑粟濟貧焚千金之券三十載中瘞骼至千餘具教子維翰入庠宗室中在澤者嚮學好義稱賢王孫云

朱廷棟字憲明奉國中尉隰川王裔明制願仕者以平階易之遂膺貢知臨寶縣闖逆臨城多殺傷益眾攻圍城陷廷棟死之一門俱殉時崇正十五年

朱運昌字敦素宗裔為貢士判鞏昌崇正十六年城破迫降不屈賊支解之

裴爵椿子舉人授豐縣令聞父訃星夜奔喪表墓立祠晨夕哭奠服除補臨漳令迎養母於署母後歿哭奠如父禮再任吳橋乞歸置祭田建社學修家規里人稱厚德焉

鳳臺縣志 卷之六  
侯勲大司馬璉五世孫錦衣僉事夔子父疾温衾嘗藥朝夕同卧起及歿哀絕者數四廬墓哭奠感羣鳥悲鳴樹上讓爵與弟不襲時稱孝友事聞旌門曰思親讓爵馬宗盛幼孤事母至孝母亡勺水不入口哀毀幾絕既葬廬墓斬衰泣血三年不櫛沐髮成羶盡脫人哀之時有白猿慈烏之異事聞旌表

趙友益郡廩生父九思抱疾日待湯藥衣不解帶者月餘病篤禱以身代卜琰得鼎折足語曰吾父三昆弟凶讖也再禱得問壽九十九語比得疾悟云予兄弟亦三人

應在我乎誓不藥遺命妻孥兄弟可善事父母吾亡矣遂於九月九日歿父疾尋果愈

袁維新都廩生父疔瘵危甚日夜籲天祈以身代及父歿專母終身色養昆弟終身無間言旌曰首篤天倫

張希魯少服賈於外母病疽忽心動而歸親侍醫藥獲愈長兄亡姪變復早歿婦靳方有娠魯旦夕籲天祈生男衍兄嗣及產果男名曰培德百方撫愛靳感之守節益堅魯兄無子遺一女盡舉其遺財嫁之仲兄析箸蕩其家乏生計屢贈累千金親隣待以舉火者無算更輸粟

千石賑荒萬歷初詔建坊有從兄希曾亦同心蠲賑時  
並旌焉

秦一清庠生事大父盡孝時有家難準情調劑遭母喪哀  
毀逾禮朔望率弟拜墓終其身奉父色養事繼母得歡  
心甘貧力學律已甚嚴絕無情容竭力爲季弟謀婚娶  
不以異母有差等

段廷樞萬歷時拔貢鴻臚署丞建安慶寨以防盜  
李廷玉父母有疾藥弗愈日夜稽顙北辰復到股和羹以  
進病霍然起親歿泊喪不用浮屠會與鄉飲介賓年七

十以疾終

年十五補博士弟子員成化丙午舉於鄉越三載丁  
母憂哀毀踰禮廬墓三年宏治壬戌知陝西醴泉縣事  
尋陞慶陽府通判致仕卒年七十有三

王昇字貿易京師北都陷自縊死見聞喜翟鳳翥王義民  
附傳

楊世英字孟紹名諸生也會盡推先世產業於其仲秀博  
母氏歡退而食貧甘之如薺郡守重其高義贈百金却  
不受才氣磊落爲學使袁繼咸所器癸酉同學王采趙

嗣美計借北上送以詩曰謬得與君三屈指公然先我  
兩伸眉兀傲自若殊不屑屑然或諷以順時榮譽曰大  
丈夫寧爲金玦毋爲瓦合其標致如此

國朝衛正心字翼中任俠好義重然諾所與遊多賢豪長  
者國初授陝西中軍守備未幾歸築室太行山之太箕  
村引泉鑿石以爲園不復仕進設義塾及文華書院入  
腴田給生徒膏火建置砦堡橋梁平治道塗祠宇在祀  
典者剏而新之每歲暮設廩鐘以濟貧困鄉里感德於  
其歿爲立祠以祀孫樞次楷以厚德世守其家

木若舉人任榆次教諭修葺學校士有聲壇坫鄉居  
時叛兵任國奇來攻本鎮清寧堡英率弟華協力捍禦  
殲渠魁圍遂解全活者男女計二千餘人里人感之

張恕正京子舉人任曲沃教諭有才名父歿長號嘔血築  
室墓次日震亭廬每上食如生時哀感道路自作記并  
十慕誄見志學使臨郡諸生上其事得嘉獎當日試題  
有徐庶何如人論蓋爲恕正也

宋盛宋興德兩人從兄弟也幸未蝗蝻災各蠲千金市粟  
救賑民得不流亡以死尋復完治湯王泰山兩廟工爲

禱雨以救旱乾鄉人咸義之

張應高康熙己酉舉人性篤孝友恂恂父兄間跬步不忘  
賈志早歿

衛樞光祿典簿任江南和州知州居官以善政聞其治家  
更有法度仁而好施鄉黨多被其周卹

或烈康熙庚戌進士中書舍人清約有守施田以築水口  
朝廷布衣尚義其讓弟產訓子姪及焚券給粟諸行誼積  
久人尚能道之同時又有王濟中者以冒賊刃捍病母  
爲鄉里所稱

士璇字在只自振子諸生入貢以鹽筴經營歲往來燕趙  
間慷慨周難亦如其父康熙辛未蝗爲災璇輸錢數十  
萬令捕瘞之歲饑佐賑人賴以生太行古稱隘道商旅  
苦崎嶇宋運使陳堯佐劄奏修築歷數百年雨冲石斷  
人畜往來率不于以行璇傾貲修築成坦途百二十里  
郡守佟國瓏爲立碑以記子廷揚傳載人物

蘇榮生處士以友著治產與弟天澤共日用婚嫁纖微無  
私五十年如一日族伯母寡而無子生養死葬咸於二  
子是賴榮生精醫所活甚衆有所著病鏡一書子廩生

挺起與其胞姪庠生貞起一遵家訓亦不分財異居

衛楷字魯林康熙己卯副榜性孝友居鄉多義行康熙辛

丑山陝大饑流民徧野楷蠲金三千兩佐賑卹由州解

送平陽散給之雍正癸卯歲大祲米價騰湧民多乏食

楷於河南糴運穀麥發本地減價以平糶自四月至七

月往返接濟賴以全活者無算其他端睦任卹類多古

風

陳廷繼性至孝念諸兄弟俱服官中外力請家居日侍父

光祿膝下先意承志務得歡心及父歿任國子監學錄

以培育人材為已任一生謙謹公正鄉間愛公重康熙甲

戌冬十二月請於朝崇祀鄉賢

劉孝勗字子桓居河東村性孝友父卒於山東歷城之漵

口鎮千里奔喪一人獨任不以諉諸弟兄居喪盡禮哀

毀骨立同懷五人析箸時以已得分產悉以讓兄之道

孤常有人投以贖金者則棄諸河曰我寧受人欺不可

以此金欺人也時以利濟為懷宗黨咸蒙其德舉步必

詳視恐傷蟲蟻非燕享不殺牲時稱寬仁長者子世振

承孝友遺緒族不能自存者悉賙卹之立宗祠置祭產



敦本務行山右州郡旱歉捐穀助賑居傍餘屋設義學  
延師淑里中兒孫滋善登雍正壬子賢書

王宏烈舉人用賓孫父歿依母且二十年母忽思改適泣  
諫語甚痛知勢不可挽觸首伏地慟竟投繯園樹死

孔興晉文明子父歿廬墓三年又有同邑張所蘊字冀山  
亦以廬墓稱孝

焦逢原歲貢生屢舉鄉飲為人厚重謙和親老家貧恒資  
館穀以娛親意事伯兄甚友愛兄歿視兄子如已子殯  
心鞠育期於有成晚歲曾元林立五世一堂年九十以

壽終又有張能敏以孝友稱亦於雍正五年舉鄉飲正  
賓

常乃綱康熙甲午舉人雍正丁未知湖南永興縣事閱四  
月以病歸終身常持忍字為鄉人所敬愛四世同居恬  
靜寡欲一時服其高義

張廷諫母早亡育於繼母依依膝下不異所生先是父存  
日家故貧及父歿益困乏廷諫樵採山中或中田力作  
稍得微資竭感以供老母如是者五十年廷諫貿易曰  
方家業饒裕事母愈恭謹遇二幼弟無私財時以孝友

稱

李永祺性至孝父重華年老多疾永祺日夜在側飲食湯藥必親嘗食上則視寒煖之節如是者三十年

李永禧少時遠服賈一錢尺帛不入私房兄弟四人同居共爨終身不分析公舉鄉飲俱賓壽八十四

秦彬爲陰陽正術撫弟遺孤俾成立葬族中久淹之置敦本樂善年登大耄亦編氓之好修者

李重華嘗於道左拾得白金千兩徧訪原主還其金屢舉鄉飲俱賓壽百歲

王封沂字又正邑廩生性至孝友愛兩弟終身無間言與人交久而益篤邑孝廉苗大素張怡茗與同文會二十一年始終如一每試輒冠軍未幾貢而卒後其子熙載登第大素語怡茗曰此又正孝友之報也其爲友朋推重如此

孔興鈞字協中康熙乙酉武舉鄉試第一爲人坦直有才幹任事無所私嘗與修郡志使人廣爲採訪助成其書王鏐字涵紫父廷揚官工部左侍郎別有傳鏐雍正己酉

科

欽賜舉人丁內外艱服闋授刑部山東司員外郎尋以生  
母年老乞養終制補廣西司擢湖廣司郎中加光祿少  
鄉銜任西曹晨起視事夜燭治讞詞平反庶獄時稱明  
允退事餘暇獨居一室披覽圖史兼工繪事與戚友詩  
酒陶情未幾以疾卒官大學士孫懿齋嘉淦志其墓鏐  
天性友愛與兄鏗同官京邸出入必偕居鄉多善行境  
內歲歉出粟平價以糶鄰村西峪被水爲死者掩骼  
於生者煮粥給食親友有逋負代償至數千金其他助  
友卹鄰好義樂施不可殫述畫王氏家世積善鏐能存

其遺風云

李華然性好義遇饑歲常煮粥施賑貧民藉以存活初本  
里武勝坊八甲每苦差徭里人往往逃匿華然代諸貧  
戶完納郡縣主稱曰義民

成允升庠生事父先意承志克盡子道父疾親嘗湯藥父  
歿葬事甫畢哀毀成疾而卒里人哀之

秦自福字秀之鄉居以孝聞遭父喪築室墓旁廬墓三年  
前州守倫可大表其門曰白雲之廬晚年流連山水時  
形於畫亦瀟灑有致年八十以壽終

原一誠字百源自曾祖以來六世同居父天祐早逝一誠  
生甫五月叔天相視同己子教之成人天相卒悲痛如  
喪父服斬衰三年報之越十餘年母亦亡一誠哀毀骨  
立葬後營土室居於墓朝夕泣拜上食如生時三年服  
除戚里勸以歸不從家人均痛哭往省之乃約與俱歸  
事聞於縣知縣陳詩表其門曰孺慕性成

楊兆熊字瑞男邑庠生生七月而孤嫡與生母共撫養之  
稍長卽有至性與人語及其父輒泣涕不能食事兩母  
備極色養兩母先後歿哀毀骨立三年不御內終身素

服齋蔬絕讌會鄉人稱孝子德輿亦以孝稱

彭克己邑庠生父年老喪偶多病克己朝夕侍側床褥衣  
履以及日用飲食皆親爲料理幼子年十一二亦能侍  
其祖祝哽噎委曲周至蓋克己之孝有以喻之也初克  
己未生時母爲父置一妾父曰吾弟尙乏妻我何可有  
一妻以爲弟正室次年卽生克己人謂其世多孝友云  
張爽字西伯捐守備職父歿事母以孝白首如一日母歿  
痛哭出血以哀毀卒前令沈榮昌匾其門曰孝踰萊子  
張鈞幼有至性事親以孝迨親歿水漿不入口者三日喪

鳳臺縣志 卷之九  
具悉遵文公家禮自小祥以及大祥不御內不聞樂不  
飲酒不如葷蓋發於誠心非有所強也前縣沈榮昌表  
其間曰純孝全貞

劉豪家貧無妻以手藝爲活事繼母盡其孝日所得錢必  
備甘旨以奉而自或忍饑餓不令母知也母病臥床褥  
豪日夜侍湯藥數月不懈母病漸愈後值母歿哀毀骨  
立每逢令節哭奠墓下數年如一日未幾而卒

李庚長溫湘藻李東旭范崇雅段鏢范維睿李王唐鄉人  
皆以孝義稱

下隱逸

北魏陸旭性雅淡好易緯候之學撰五星要訣及兩儀真  
圖頗得其指要太和中徵拜中書博士稍遷散騎常侍  
知天下將亂遂隱於太行山屢徵不起卒後贈并汾恒  
肆四州刺史

唐趙令岳澤州人散騎常侍元方之子博極羣書文學爲  
一時冠雅志林泉德望茂著戒子孫曰五常不可失也  
時修史有以學術薦者避不就

元白處善澤州人性警敏有學行嘉遯不仕世祖高其志

鳳臺集元 卷之九  
敕曰身都道義淡然無名利之心家富詩書樂矣有田園之趣賜號義安處士祀鄉賢

趙宗元澤州鄉貢工文詞山居高蹈一時學者多稱之號沙城野隱

韓嗣宗號丹川隱士府志云行事不概見於其時亦避跡邱園者

明張席珍字雲生先世自鉅野徙澤州父應禮以菽粟權子母歲大稔珍童時卽竊焚其券弱冠遊學宮性恬淡不希華膾寡交遊定省婚嫁外了不縈心服食日用率

儉朴有司博士之門足跡不至遭母喪哀毀及卒苗大  
中丞胙土以隱君子稱之

王遜之明初逸人相傳有詩云勞身苦苦逐浮名身與浮名孰重輕身勞名得猶爲可無奈身勞名不成亦見高致

王隆孝友謹信安貧好學無意仕進長於勸善鄉邑傾慕有王彥方之風年八十餘攜冊諷詠嘗題希夷高卧圖以自況其詩曰汴京龍虎風雲會華岳壺蘆日月長非是先生眞愛睡達人羞看利名忙

國朝蘓寰字生生博覽羣書喜吟詩囊蓄禁方醫人多奇  
驗會召不赴去而遁跡杜門高卧郡守王璋以母疾屈  
之不應強以往不冠不揖家人危之寰坦然不以爲意  
璋愈加敬禮母病尋愈其疏傲多似此所著箋易出已  
意不規規先儒成說詩有達情佶屈難讀究心六書訂  
正韻法且圖藏於家

僑徙

唐陳子昂字伯玉梓州射洪人文明初舉進士擢右拾遺  
少未知書以富家子尙氣決戈搏自如他日入鄉校感

惜痛自修飭初爲感遇詩三十八章王適見之曰是必

爲海內文宗嘗寓澤州登北城樓題詩其上載藝文

李華字遐叔趙郡人開元進士第天寶時爲監察御史善

屬文蕭穎士多推獎之華疑其誣辭乃爲祭古戰場文

燠汗之如故物置於佛書之閣與穎士因閱佛書見其

文華謂之曰當代秉筆者誰及於此穎士曰君稍精思

便可及此華愕然後安祿山反授僞命被收貶官放廢

嘗薄游澤州石佛閣題詩於壁卽彌勒寺也詩載藝文

崔信明青州益都人博聞強記下筆成章大業中令堯城

竇建德招之不屈去隱太行山貞觀中應詔舉終秦川  
令

荆浩沁水人自號篔簹谷子畫史以荆關董巨稱畫家正宗  
篔簹谷爲澤寶巖寺山浩嘗流寓其地以作畫或因自號  
云

宋宋敏求字次道趙州平棘人參政綬之子郡守選之從  
子也選爲澤守敏求隨之署澤人劉義叟以唐彌勒寺  
篆刻弗能通曉攜楮本之京師因宋子京始盡識其義  
貽校本於選選命敏求以隸書作釋文刻於郡廨史稱

敏求進士及第家藏書二萬卷畧觀卽能成誦熟於歷  
代典故士大夫有疑義必就而正之累仕至龍圖學士

金許古字道真河間人郡刺史安仁子安仁以明昌五年  
守郡古卽以是年登詞賦進士第至承安五年來遊青  
蓮寺題名石壁正其父節度汾陽時也同時張天祐君  
玉吳壽夫芝僧寶寂皆其父安仁舊與遊者書法絕佳  
史稱其好爲詩與字而不爲士大夫所重但稱其直云  
吳龜字英菽洛陽人嘗於天慶觀訪潛叟喬道人可度留  
題七言古詩於寒碧軒其門人侯卽跋其後云陳瑩中



有言愛其人敬其字是以東坡美之先生歿已十五年  
潛叟出此詩覽之句法豪爽筆力蒼道灑然有古人風  
恐他年散落命工摹勒上石以示愛敬之意焉

喬宸初名逢辰字仲章或作君章洪洞人天德三年進士  
自號蓮峯真逸大定戊戌由山陽歸天黨遊青蓮精舍  
約晉城安霖巖起張瑾孔璋携秋泉如林下約雅集釋  
道宴寂日照行軒題名石壁期而不至者則孫明遠昶  
也

趙秉文字周臣一字開開磁州滏陽人幼穎悟讀書苦風

習登大定時進士明昌間入為應奉翰林文字兼知制  
誥坐上書攀王庭筠等久廢河北兵亂常僑寄澤州之  
涇谷寶巖即淨影寺也嘗遊開元寺詩貞祐初再轉翰  
林兼學士密國公完顏璫詩有聞趙開開再起為翰林  
律句云寶巖涇谷西窻夢不信秋來不上心按涇谷寶  
巖淨影寺名也秉文嘗流寓茲土於此詩見之

元好問字裕之太原秀容人好問七歲能詩年十有四隨  
叔父陵川令泰於官從郝晉卿學嘗僑居澤州涇谷僧  
舍不事舉業淹貫經傳百家六年而業成下太行渡大

河爲箕山琴臺詩禮部趙秉文見之以爲近代無此作也歷官尚書省左司員外郎金亡不仕以著述終

元張衍河東人官中書行省至正末天下大亂去官歸僑寓於澤嘗作文昌行祠書文俱佳元亡不知所終

和希文太原人呂忠肅之高弟也元末不就祿養母太行中飲水著書以爲樂值兵荒相仍暴軍掠人以充食所向殆盡希文保障獲完弟孤女十有六人艱難中咸抱保携持卒歸士族明初徐魏公達薦擢贊善行以母老

辭歸

明董其昌字元宰華亭人萬歷十七年進士善書畫自成一家由翰林官湖廣學政謝事歸與州人張方伯光縉爲同年友嘗北遊太行累年主其家熹宗初起爲侍讀學士修神宗實錄命往南方採緝先朝章疏遺事迂道過澤寓居月餘乃去所作書畫甚夥收藏家得其片語隻字奉爲拱璧嘗有人集其在澤啟札數十裝爲手頁余曾一見之皆其昌真蹟云

吳開先歙人勇畧知兵機善戰崇正五年流寇躡山西監司王肇生便宜署開先爲將使擊賊戰澤州城西賊敗

去從沁水轉掠陽城開先恃勇渡沁戰北留墩下擊斬  
數百人砲盡無援一軍盡沒事聞贈游擊將軍

國朝姚恭海豐進士順治初仕冀南道會姜瓖叛其將張  
斗光陷澤迫恭降不從死之子孫遂家於此 按明史  
遼陽松山之破被執死者有兵備道姚恭名或係另爲  
一人不可考

梁保素自號保素山人冀州人流寓高都五十年能鼓琴  
圍碁爲一時國手善清談娓娓動聽年八十餘殊矍鑠  
無室無子四壁蕭然而徜徉春容黃冠羽衣有太虛真

人之致一日遊析城不還張別駕肇昌以詩悼之

蔣堅字磨之江西鉛山人候補州同以名法佐郡守佟國  
瓏幕十年始終其任會民多逋欠逮國瓏下獄堅單騎  
馳至澤伴國瓏獄中數月澤士大夫皆願輸刀布脫國  
瓏於難後州牧劉毓岳扼之一日訟庭杖一囚忽大呼  
曰吾事如在蔣公時寬雪久矣毓岳問案吏具以對乃  
躬詣獄中延堅出欲賓之堅曰我爲佟公來不知有公  
一劉曰主我必脫佟公堅曰脫佟公無不可劉下令曰能  
爲佟公輸金者聽三日集五千金國瓏歸而堅佐毓岳

又三年劉以憂去方欲歸郡人王少司農高其義延爲  
上賓歷佐其子弟慕堅在澤時生子士銓十餘歲歸里  
今官翰林院編修

古葵陝西華州人雍正間以彤家言遊澤實未見其爲人  
相地善行草書法酒後輒筆墨淋漓流傳人世蠡縣李  
剛主恕谷後集中稱其紹李二曲先生之學云

郝敬堂字雄峰長治武舉有偉畧能爲詩與字兼善輿家  
言薄遊高都爲諸大姓卜墓田延請無虛日鄰村會飲  
抵暮醉而歸見道旁遺金數百仆其上至三更餘待失

者至與之亦不告以姓氏得狂疾越三年而愈遂遁

鳥獸語後復來遊館於尹孝廉家嘗指鳥獸聲譯爲人

言皆不之信一日犬自外吠入苗孝廉合琮竊問之郝

曰尹中表某乘黑驃單騎至門者乏款候人犬吠蓋此

言也驗之果然乃知公治長之通鳥語隆多羅之識豕

言不足怪也高平司明經昌齡重其人爲作傳

以上僑寓

明孟兆祥字肖形澤州人徙交河天啟壬戌進士官大理

評事歷吏曹至刑部右侍郎以劾魏忠賢削籍崇正初

起太常寺卿晉刑部右侍郎闖賊犯都城啣命守正陽

門賊至冒白刃死門下妻何氏聞之立死子章明字伯昭癸未進士甫觀政難作殮父骸訖亟歸訣其妻王氏曰吾往從大人不忍大人獨死也王曰爾死吾亦死章明俯首至地曰謝夫人死夫人盍先死盡揮僮奴出留一婢侍視王投繯提筆作詩已復淋漓書壁有傷吾夫婦屍者必為厲鬼殺之王絕置扉上加命服又舉一屍列王左呼婢曰吾死置其上遂衣命服縊而死南渡贈

邱

本朝褒忠與范吳橋等同予祠給地錫謚兆祥忠靖章明貞孝

如夔茹言雲南籍其先澤州八七世祖太素編置子孫於滇遂家焉夔言兄弟同登嘉靖壬午科舉人言子嘉祭卯鄉舉官工部郎中

國朝衛璪字文漪澤州人徙滄州祖正身字肖菴 國初大臣安撫至滄率眾歸附康熙初兵備周卜世南征吳逆於歸德軍次助餉數千金卒贈光祿大夫父其傑字卓萬輕財好義康熙己巳歲大禘捐萬金為賑濟計鄰邑咸集為設米粥綿衣以待巡撫于成龍聞於

朝授光祿大夫事載天津府志璪少有譽望以鄉貢充滿  
洲教習授富順令邑自獻賊蹂躪戶口蕭條璪招集流  
亡使歸業城郭廨宇以及橋梁道路出私財修葺之不  
以累民兵亂後人不知學為建書院訓課生徒士風丕  
變俗故健訟以誠相格民漸化擢台州同知會

朝廷命穆旦金世榮會勦玉環山寇玉環孤峙海中卒難  
率服璪身入其巢招而降之上官嘉其能委以疑難諸  
案立為剖決嘉興等三邑舊有田相錯壤爭訟無寧歲  
璪三分之爭訟永息吏治為兩浙最擢延建邵道卒

璪字孟魯璪之弟甫冠成進士授華亭令華為江左財  
賦劇邑積頑成習璪至催撫並行民樂輸將風俗丕振  
擢刑部主事奉

旨纂修律例書成陞禮部郎中轉陝西神木道神木五里  
外即屬外境邊民耕種樵牧相錯雜馭之稍不善輒易  
生釁璪開誠布公宣示

朝廷德意人民安堵

誥授光祿大夫卒於官工詩文所著有老莊旁註經義集  
要等書事載天津府志

衛瑛字修五瑛季弟由拔貢授都察院經歷擢刑部員外  
郎轉臨洮道以仁恕為治建義學以造諸生其貧者記  
其姓氏居址陰資給之凡二百餘人事載天津府志有  
傳

王璽字瑞圖澤州人流寓江南有肝膽識力以豪俠稱舊  
佐李孝源南贛幕府鼎革後僑寓蕪湖入

國朝苗胙土起為南贛巡撫安陽張鏡心薦之軍前稱其  
熟知江右情形緩急機會可得虔中消息大足倚仗會  
胙士卒不知其所終 以上遷徙

方技

宋呂道人失其名善為沉泥硯多作投壺樣其首有呂字  
非刻非畫堅緻可以試金道人死硯漸難得蘇東坡於  
元豐五年至沙湖黃氏家見一枚黃氏不知貴取而有  
之

蕭照頗知書亦善畫流入太行山為盜一日掠至李唐檢  
其行囊不過粉奩畫筆而已叩知其姓名照雅聞唐名  
即辭賊隨唐南渡得以親炙唐感其生全之恩盡以所  
能授之紹興中補廸功郎畫院待詔賜金幣其畫山水

一 人物異松怪石蒼浪古野惜用墨太多書名於竹石間  
見圖繪寶鑑

金姚擬字士言鄉貢進士明悟有巧思工畫山水嘗從刺  
史許安仁書碧落寺碑是日隆冬風寒山堂壁間有烟  
塵跡自成山水圖非人工所及擬燃薪炙手走筆仿之  
頃刻而成迥出畫家畦町之外時以爲神品云

張天祐字君玉明昌中詞賦進士工吟咏尤長於音律絲  
竹管絃之技各擅其長嘗從郡守許安仁遊峽石青蓮  
寺涉丹水南回顧殿閣在青巖間天祐鼓琴僧洪源和

之曲盡音節之妙聽者如聞高山流水悠然有世外想  
元姚昇字子昂金末鄉貢與李莊靖俊民爲友工詩善畫  
馬世傳畫馬圖而款書子昂二字者皆昇筆非趙松雪  
也俊民嘗謂其似曹將軍篆隸亦推重一時俊民碑版  
多其丹書云

郭顯道以醫名一時李鶴鳴兩以詩贈之

明程應寵太醫院吏日少聰穎善岐黃術切脉決生死輒  
中有奇疾莫名其症者一藥立起生平以活人爲心病  
者貧富弗之問卽窶丐亦代爲療治有手錄醫案等書



國朝趙嗣美字伯瞻順治丙戌進士歷官福建僉事有文名工畫山水隨筆揮酒皆胸中邱壑有自然之趣見圖

繪寶鑑

衛永耀字徑干性慧巧善音律工書畫凡醫卜占候形家言以及擊劍拳勇篆印雕鏤刺繡女工食譜酒經無不通曉詩亦有佳句著石坪印譜得樹樓詩稿

袁爾梅坦率無文嘗於道旁拾遺金追還其主人重其義生平精六壬術占驗多奇中其賣卜日以三課爲度備一日所用不復爲人卜雖強之弗告也某紳爲縣令所

誣被逮赴省會禍且不測爾梅爲成一兆曰天赦星照命官不出十里罪可解行至七嶺店遇赦獲免時以爲天罡復生然性過贖直好與人爭訟論者亦以是少之

釋老

漢稷邱君太行山下道士武帝時以道術受賞髮白再黑齒落更出帝東巡泰山君廼冠章甫衣黃衣擁琴迎拜道左止帝勿上上必傷足指及數里右足指果折帝諱之故但爲稷邱君立祠

呂恭字文敬少好服食將一奴一婢於太行山中採藥忽

見三人在谷中問恭曰子好長生乎乃勤苦艱險如是  
耶恭曰實好長生而不遇良方故採服此藥冀有微益  
耳一人曰我姓呂字文起次一人曰我姓孫字文陽次  
一人曰我姓王字文上皆太清太和府仙人也若能隨  
我採藥語公不死之方恭卽拜曰得遇仙人若見採收  
是更生之幸也卽隨仙人去一日乃授恭秘方一首因  
遣恭去曰公來二日人間已二百年矣歸家但有數世  
孫呂習作道士推求而得耳因以神方授習而去習已  
八十服之卽還少壯至二百歲乃入山中子孫不復老

死

晉王烈入太行山聞雷聲山石忽破裂數百丈中一孔有  
石髓流出似青泥烈取食如飴餘半以與稽康皆凝而  
爲石又於石洞中見一卷素書視之不識也默識數字  
以語康康知之偕往輒不復見烈乃嘆曰叔夜趣非常  
而輒不遇命也烈後仙去

北齊曇始不知何許人神武起義奏請藏陰寺講涅槃經  
感野雉來聽藏神遺絹獼猴奉菓山神獻殮之異衣鉢  
傳惠遠

隋慧遠澤之霍秀里李氏子甫生時曇始感夢至其家撫  
摩之心心心相印至六歲度為弟子戒律精嚴契合真詮  
建寺於藏陰西注涅槃經成擲筆云若疏合禪理筆當  
駐空入隋文帝召至京參校經義卒於京邸文帝深悼  
惜之按府志以遠公分係齊周三朝又復辨為晉之  
慧遠紛紛岐說今從唐大中寶歷太和三牌記詳加辨  
正知其另為一人且相去四百餘年又太和碑慧一作  
惠其折服周武帝一事與周書北史不合別見集古錄  
唐慧觀頭陀隋大業中自終南山來身止一衲日惟一食

髮長不剪晦跡叢林過雙峯下見山崦幽寂古木泉清  
乃駐錫而嘆曰此古佛棲隱之所也因誅茅剡穢獲壤  
礎知為古靈巖舊基遂築室以居廣行濟度四方緇素  
雲集李衛公靖提兵過太行躬詣禮謁深嘉嘆之  
普滿不知何許人太歷中遊澤潞狀若顛不拘戒行言事  
無不驗嘗題潞州僧舍云泚水連涇水雙珠血滿川青  
牛將赤虎還見太平年人初莫喻及朱泚亂人以意解  
乃泚因涇州兵亂兄弟造逆乙丑丙寅寇平之兆也  
慧峯汝州襄城人俗姓賀蘭氏法名慧峰出家峽石山之

藏陰寺傳惠遠宗法苦志靜修戒律森嚴著語錄契合佛旨於中和乙卯端坐而化乾寧間建塔有記

惠愔俗姓李唐之宗室棄家爲浮屠遍遊名山太和初自并汾來少習莊易晚學天台見遠公遺跡喟然興嘆遂闢草建宇以象假中通之教開剔龔贖與司徒太常映爲方外交結法華社數十人苾芻之流多依爲禪宗云季漢王師姑黎城人幼貞靜慕清虛出家爲尼雲遊南北晚於晉城砂城里愛其山水明秀誅茅創殿宇秉拂任持三十餘載示寂得舍利七粒徒衆爲建浮圖

後周普龍廣順初自五臺山來彌勒石閣愛其泉石作終焉之計殿宇日拓度脫縑素多爲高僧後化去建塔寺側迨宋治平間賜額碧落

辛上人修真寶巖寺端居石室猛虎自伏後坐化遺骨甚香其徒建塔崇奉寺在太行山巔俗稱金燈寺是也

宋奉教慶歷時卓錫松嶺寺繕修堂宇四十間講大乘百王上生等經度僧俗千餘人齋僧二十萬置四大部經作堯率觀朝夕行之神語空中曰師堯率觀成當捨幻質往生天宮乃於千峰山盤亭寺側誓焚肉身裹以布

蠟縱火焚之但見白氣冲天異香馥郁煙銷燼餘惟舌  
不壞若紅蓮葉徒眾建塔藏之

三寶幼有宿根大中祥符時出家寶山寺度僧俗千人大  
會四方講法華經妙解真諦至天聖四年七月兩手成  
文面色如金端坐圓寂異香經宿不散建塔立石記其

事

慧覺俗姓金晉城人住持開元寺淨修有戒律聚名僧數  
十入為說法雜衢巷俚語皆有禪機建隆元年安坐而

化事具石記

張仙一名崇真澤州人一名道温京兆人同居州西

上町社修真觀尋偕遊海島遇劉長生密傳法印復歸  
結茆於此相繼坐蛻瘞同穴後數十年人猶有見者

寶寂出家青蓮寺能文工詩與僧洪源同以善琴名為郡

守許安仁所知每稱其釋通儒理一瓶一鉢獨有這箇  
在也嘗為僧惠潮作塔銘文字古潔洪源亦高僧俗姓

陳談經冠一時修成化去

惠詮崑陽人出家五臺住錫琵琶寺造殿閣二十所度僧  
眾千餘人寫真經六百七十九萬字大定時示寂眾為

建立塔幢

元唐純素任曲河觀與張崇古皆清苦自持後先受二張  
仙法印年各七十餘坐蛻刻劉長生白蓮花詩並王純  
陽等為五逸像於石

杜志元號通微子遭金末兵亂感夢出家為道士詣天壇  
受法於王純陽邱長生等妙入真悟元太宗二年歸里  
捨宅為觀李莊靖俊民記其事後不知所終

明法亮姓崔氏澤州人出家靈巖寺刻修戒行嘗行脚至  
鍾山造藏經歸禁足三年晝夜檢誦不輟作石塔藏之

太同書生上黨記太行山有箐射熊者見諸生讀書巖間  
汲往覓則失其處人以為神仙

朝月空俗姓黃湖廣人少出家參禪義受戒於京都愍  
忠寺禮大慧法師通涅槃大旨所至輒興土木造瞿曇

諸像接引僧徒萬餘人多與賢士大夫遊嘗休夏太行  
山值大旱禱雨徧然肢體一晝夜不飲食已而大雨霑  
足募修西郭長堤捍水患造尚頭梵刹莊麗成巨觀一

日於普濟殿率緇白數百人設清醮忽觀音像從殿中  
騰出象皆輟誦競觀俄而殿崩無一被傷者平日着布

衲持佛頂陀羅尼經遠近病者傾誠拜禱或書神咒或與破縷焚灰飲之立瘥後卓錫涿州至康熙四年自知時當圓寂薙髮浴髓索筆大書曰今日百十五年靈光自來無染鐵牛躍過星羅撞破空中磨盤偈畢端然而逝涿州為建浮圖郡西亦為立塔院陽城白孕謙記其事載藝文

鳳臺縣志卷之十終

鳳臺縣志卷之十

列女上

唐澤潞將張仵妻徐氏封高平郡夫人仵鎮泗州病卒軍吏欲立仵子重政為郡將徐氏號泣固拒不從德宗詔褒之進封魯國夫人

後周李筠愛妾劉氏隨筠至澤時被攻城危劉謂筠曰城中健馬幾何筠曰爾安問此劉曰孤城危感破在俄頃今誠得馬數百與腹心潰圍出保昭義求援河東猶愈於坐以待死也筠然之召左右計馬尚不減千匹以是

鳳臺縣志卷之十  
夕將出或沮之筠猶豫不決明日城陷筠將赴火劉欲  
俱死筠以其有娠麾令去筠子守節購得之果生子守  
節卒無後以劉所生之弟爲嗣宋參軍謝翱宋騎吹曲  
有李侍中妾歌

金劉璋妻樂氏年二十一歲夫亡遺孤長五歲次止十七  
日耳母家議令改適氏截髮誓守值貞祐己巳荒變中  
彌堅苦節歷五十餘年鄉人扁其堂曰歲寒

周氏澤州人安西張興祖妻年二十四興祖歿舅姑欲令  
改適周氏弗從曰妾家祖父皆蚤世妾祖母妾母並以

貞操聞妾或中道易節是忘故夫而辱先人也夫忘故  
夫不義辱先人不孝不孝不義妾不爲也遂齋居三十  
年奉舅姑生事死葬無違禮其父與外祖皆無後葬祭  
之禮亦氏主之有司以聞並賜旌異

明邢清妻劉氏清病疴氏來歸異居侍病尙未合卺清疾  
亟呼氏訣問以所從泣應曰脫不幸願從地下比卒遂  
縊而死宏治中旌表

孟誠妻高氏年二十五而寡生子泰七歲待食機杼撫孤  
自守泰娶王氏生子鑑泰亡鑑娶牛氏生三子彪錦欽



鑑亦歿兩家父兄憐其貧均欲奪之王曰吾姑爲節婦矣牛曰吾姑祖姑爲節婦矣矢志堅貞後先如出一口皆年七十而終里有三節堂後孫春官侍郎曾孫陽行人以諫死咸爲名臣忠節萃於一門

范蒲妻梁氏適蒲甫匝月蒲暴卒氏年十八誓以死殉母令姑同氏寢氏伺姑晨起卽投繯自縊嘉靖間事聞於朝立祠以祀

李孟冬妻宋氏嫁一載而夫亡歸寧母受富室厚聘促改適氏志不從母讓之以釜擲氏面歸白翁更衣闔戶引刃斷頸尸僵立不卧遠近聞而悲之隆慶初立祠以祀焦廷器妻韓氏年十七于歸甫三日夫暴亡韓涕泗悲哀喪葬畢旋自縊死

兵部司務郭環妻張氏環卒於官子志學甫七歲志仁在襁褓張攜孤扶櫬以歸旣葬躬紡織課二子力學相繼登第人謂張貞潔之行旣重於鄉閭義方之訓尤足以昭來許也

李朝元妻毛氏事繼姑稱孝年二十二夫亡長子方保抱攜持次子生祇數日乳哺教育母氏劬勞苦節六十餘

載

生員侯秉醇妻郎氏夫亡痛絕復甦屢以死殉舅姑父母陰謀奪其志氏聞勺水不入口三日死詔旌其門

舉人張翰妻焦氏翰卒誓必死初弗令人知夫殯殮既畢入閣櫛沐整衣自經死太守嘉其節義嘆曰臣死忠女死節張翰妻可謂女中丈夫矣

庠生劉孟津妻王氏年二十三夫亡遺孤方襁褓稍長教

讀書早歲遊庠守節六十年貧病艱難兩目遂盲於視

又有朱氏者劉孟濱妻亦苦節四十餘年而歿當事以

雙節表其門

七炳然妻王氏炳賈客十餘載感疾歸手足不仁終日坐

卧弗能語氏脫簪珥搗醫藥手滌中菴廁踰歷數年炳

終以病死氏號泣觸頭出血幾絕後藉紡績以教養孤

兒俊民有聲庠序事聞旌表

黨鳳妻張氏年二十二夫亡誓不更志紡織自贍教育孤

兒閨門整肅事聞旌表

輔國中尉朱充偃妻魏氏封宜人夫卒氏晝夜號哭死

韓表妻裴氏夫亡柏舟自矢閨門謹嚴足跡不越閫外詔

旌其門 夫守節世自六國門前...

趙汝鳳妻魏氏年二十四夫亡撫孤騰躍早卒又撫孫

萬國艱苦備嘗壽八十四歲院守旌之後四十年趙日

映繼室苗氏年十九而寡無子孝事孀姑及姑卒躬自

營葬四棺痛感道路郡守為旌其門

舉人孟思妻鍾氏二十歲撫子履約履約妻馮氏二十一

歲撫子士貞庠生士貞妻王氏二十六歲妾甯氏十七

歲偕撫子璋璋早卒撫三日孫淑一門四節鄉黨稱賢

貢生張燁妻李氏年十九夫亡撫子祖廕入庠奉詔旌表

廕與蠡縣令王采殉城難妾申氏撫孤入郡庠尋以未

獲廕骸骨痛悼卒

劉鳴鸞妻李氏崇正間流寇掠大陽氏携二女長成憲西

妻次田饒妻一侍婢倉皇出走道遇河池謂二女曰我

等女流將焉適不如入此全身遂偕二女侍婢竟投池

死

李尚隆妻韓氏隆死未葬遽遭流賊肆橫民人逃匿山谷

氏獨潛墻壁中守柩賊入室樞焚氏遂縊死於壁

關天廕妻田氏偕妾楊氏年甫十九遺孤纔一歲教養成

立爲名諸生後遭氛遇害

段列女父如錦崇正五年女年纔十四爲流寇所擄女奪

賊佩刀自刎死

張重光妻馮氏年十六夫亡遺腹生子國相撫育成立守

節四十餘載院道旌其門

張燮妻靳氏燮弱冠赴省試中途小瀑漲墮水死訃至氏

幾不欲生時方有娠或勸以生子可延夫祀後果生子

培德教之讀書入庠忽以病卒復撫諸孫綸等成立鄉

人仰靳氏之節爲旌其門

義官董思燾妻耿氏夫亡哀毀成疾伯氏思照撫愛遺孤

教養備至會照病氏感其德號天祈祐里鄰稱之伯亦

尋愈郡守爲旌表之

段一宗妻李氏生子未踰年而夫亡氏乃屏膏沐勤織紉

訓孤自泰成立苦節五十年按院給匾賜粟嘉其節義

張一桂妻郭氏夫亡年二十二剪髮自誓育二子源泉成

立守節六十年院道屢加旌獎

庠生石文炳妻趙氏夫亡時年十九撫週歲孤延慶勤劬

鞠育常閉戶獨居宗黨以事相見趙闔門與語未嘗出

庭戶其嚴峻如此

馬負圖妻周氏負圖服賈卒於客舍姑衰老旦夕必藉人

扶護周親侍姑側遣其子奉匱歸里門終喪盡哀教子

成立孫之駉曾孫如龍亦早歲成名道守並加旌表

孝子趙友益妻安氏友益屢禱於神代父死囑安仰事俯

育友益死安辛勤二十年舅姑生養死葬皆盡禮教子

嗣昌嗣盛俱入庠有司旌其門

田鐸妻王氏年二十六而鐸歿誓不再醮晝夜紡績撫育

孤兒辛苦備嘗守節二十九載宏治間詔旌其門

侯侃妻康氏侃歿時氏年甫二十痛憤幾死撫孤至四十

年厥子成立不墜家聲正德間詔旌為貞節之門

庠生李 大隆妻邵氏夫亡京邸邵氏方二十五聞訃即欲

自盡所親力勸之曰爾獨不為李氏孤兒計乎於是屏

膏沐絕華麗足不踰閭教子讀書有成孀居三十五載

嘉靖間以事聞奉詔旌表

生員李 長盛妻裴氏尚書裴宇女恪執婦道夫亡裴方二

十一歲守節四十餘年閨門嚴整鄉邦稱之院道給扁

旌表

鳳臺縣志 卷之十一  
生員郝訓妻王氏夫歿王方二十三歲家貧茹荼三十餘年始終不變院道旌表

任仲輔妻劉氏二十一歲仲輔客死撫幼子成立守節六十餘年按院表其門曰貞節之門

關守智妻連氏夫年少以病亡氏茹荼四十餘載訓子天俸補博士弟子員院道旌之

王納言妻任氏夫歿任年二十四所親勸其再醮任曰夫亡有遺孤在猶不亡也歷五十餘載不變其志院道屢旌其門

奉國將軍朱聰滂妻李氏奉國捐館子女前後各數人時李年二十有七撫育辛勤絕無異視年七十餘以疾終嗣子俊轍亦卓然孝友無忝母訓

朱充箕妻王氏年二十一夫亡遺孤方一歲含悲鞠育幾四十載至晚歲曾孫滿前有司屢加旌表

鎮國中尉朱俊蒸妻李氏封恭人夫歿李年二十一哀毀踰禮撫育稚子充鮮卓然自立苦節四十餘年有司優獎

陳鳳麟妻苗氏夫亡立志守節值明末流離顛沛並得保

全其姑以撫育其稚子艱苦備嘗守節三十四載以疾終

劉炎妻宋氏經流寇被執義不受辱寇以火逼竟赴火死  
生員王會極妻裴氏闖賊索金拘其翁氏脫簪珥出之尋  
翁遭誣禍不測氏復蕩產白翁冤子化美入郡庠

署丞段廷黼妻魏氏段居讓妻龐氏王堯臣妻姚氏俱無事跡  
可考

國朝岳尚武妻司氏年二十夫亡藉紡績以餬其口教子  
峻極早歲成名巡按疏請建坊旌表

生員孔銓妻毛氏結褵五月銓卒氏勸絕投繯侍婢嚴衛  
之毛忽謂其婢曰若輩不須防我我尚有遺腹男女未  
可知姑俟他日始定耳治夫壙墓繩度尺寸計容兩棺  
臨月竟生女自是朝夕痛哭日進米汁一盞兩月而卒  
巡按疏請旌表

官廕生張中驥妻陳氏年二十二夫亡呼搶欲殉方抱娠  
姑以存祀諭及期果生子撫之成立廕官監不幸又早  
卒三喪未舉卜塋禮葬之族黨為擇宗支乘輅為嗣撫  
若親生考授州同知康熙四十一年建坊旌表

張貞女貧民張崇女也幼字苗咨未婚咨卒女聞訃奔喪成服誓以身殉姑慰而止姑老且貧翁素就食於外女養姑以十指比姑歿終葬女七日不食死當事聞於朝雍正九年建坊旌表

郭世綸妻秦氏年及笄歸於郭甫一載而夫亡氏誓以死殉時夫之祖父已先亡遺兩世孀姑相抱而泣氏顧而慟曰是未可以死也遂孝養兩姑撫嗣子家故貧氏爲鬻簪珥勤紡紉以供朝夕環堵蕭然而處之晏如越數載嗣子秦交授室兩姑亦相繼去世氏曰大事已畢可

以死於地下矣遂寢疾不食而死乾隆七年有司爲請旌

朝建坊設牌節孝祠一時文人重其節行作爲詩歌彙成卷帙郡丞李之嶧序而傳之

岳門二烈岳遐昌妻任氏二十四夫亡無子上有邁姑氏矢志堅貞竭力孝養繼子禪承夫宗祀娶妻馬氏克盡婦道會姑以疾卒竭力營葬家無次丁禪以積勞感疾而亡任氏姑息孀寡無依呼天搶地同心一繩而縊聞者莫不慟心乾隆九年建坊旌表



門二烈王守妻郭氏年二十二歲夫亡遺孤王默甫三  
 歲氏矢志苦守十八年撫默成人娶妻原氏就室方旬  
 默忽以劇疾卒三日殮畢郭氏原氏潛以深夜共誓投  
 縗乾隆十二年有司上其事於

朝建坊旌表

申懋修妻王氏年二十二夫亡哀毀絕粒誓不欲生咸勸  
 以事翁姑撫幼子大義遂勉強就食竭力奉二親未幾  
 翁姑相繼病故氏盡典釵環衣飾喪葬以禮為子娶妻  
 生孫愛葵由書

生孫愛葵由書

乾隆十二年建坊旌表

錢烈女金姐僻居鄉村性莊謹守正自持有惡少田永吉  
 出言調戲女羞忿乘夜投崖身死以明志乾隆二十年  
 有司上其事於

朝以節烈可嘉建坊旌表

劉廷棟妻徐氏農家婦秉性貞潔鄰人高秀水欲以調戲  
 圖姦氏羞忿投縗捐軀明志乾隆二十二年以節烈可  
 嘉建坊旌表

馬繼武妻宋氏青年歸繼武武以疾歿氏悲泣不食自縊  
 樞傍乾隆二十七年奉

旨旌表祀入節孝祠

史秉直妻任氏年二十而夫亡生子甫週歲時翁姑已早逝依秉直伯父母同居氏卽以翁姑奉之定省胥以禮若不知其爲夫之伯父母也以長以教俾子宗仁入庠守節四十年乾隆三十八年奉

旨給匾嘉獎

馬自發妻周氏貧家女秉性貞潔不爲強暴所污馬二圪涉圖妻不從被斫身死乾隆三十八年以節烈可嘉建坊旌表

趙二鈇妻林氏剛烈有至性鄰人林東雄以穢言戲謹氏羞忿捐軀乾隆四十年以節烈可嘉建坊旌表  
成乃峻妻成氏年二十七歲而夫亡無子親治殮具向請妣求繼嗣以立夫後從容入室投繯自盡乾隆四十一年建坊旌表

張門四節張駱繼妻石氏年二十一而夫亡殮畢卽投繯欲自盡鄰婦力救而甦時上有孀姑前妻遺四子皆幼穉咸勸以奉姑撫子爲重氏遂竭力孝其姑愛養諸子家故貧盡典其簪珥衣服爲生活計不繼則以女紅纏

絨線筭日易十數錢以供粥米越數載撫四子成立授  
室皆名家女以儉朴相率著爲家法守節五十四年駱  
長子仝仁妻孔氏年二十七而夫亡遺子旋殤嗣一姪  
數年復歿貧苦自守奉孀姑朝夕不離嘗爲女工夜無  
燈火炷香以照紡績會姑病氏亦患目疾力供湯藥尋  
皆愈其諸姪偶有微疾輒親爲調護曰猶子卽吾子也  
守節四十一年駱三子仝禮妻陳氏二十四歲而夫亡  
子生甫五日誓欲死殉急持利刃自刺血流滿襟姑急  
奪刃苦勸以撫子衍祀氏泣曰守節非盛事吾不幸遭

之命也但求此子成立留夫一脈吾心已盡及子稍長  
嘗指刃迹瘡痕示之曰吾若死於此爾不知死所矣後  
以家貧不能供姑甘旨使子經營於外所得辛金按時  
收檢以養其姑守節三十八年駱四子仝智妻陳氏年  
二十七而夫歿遺孤幼姑在堂夫病時嘗囑之曰吾有  
老母不能養有幼子不能教今將死目不能瞑氏曰汝  
善自養病老母幼子在吾一人未幾夫歿喪葬悉如禮  
時氏父遠官寧晉召使就食官署氏辭以亡夫遺言老  
母無人奉養求爲助濟以養姑生平教子尤嚴子體剛

鳳臺縣志 卷之二  
讀書未成卽命其鄉村館穀謂讀書在此奉養祖母亦  
在此已守節三十八年乾隆四十二年有司以一門四  
節請旌於

朝建坊設牌節孝祠

李養德妻畢氏養德貧苦以種菜爲生養德卒氏焚香告  
天縊死柩前

舉人張應嵩繼妻焦氏年二十二應嵩卒於客邸氏每欲  
以死殉家人防衛甚嚴得少留葬畢不食死

張廣土女幼許字徐弼世未嫁而弼世歿女請往弔母不  
許改聘范姓子乃羔雁至女始知痛哭欲死母曰我老  
矣兒若此我請先女重違親意默不語及屆婚期衆戚  
眷納女輿中女陰以帶纏其項痰吼徹於外從人驚覺  
救以甦昇至范門女止不進疾聲謂范父曰我徐家婦  
何強逼爲也我所以隱忍至此者畏老母嚴命耳遂去  
吉服裹素編衣上下縫紉不可解是時聚觀者百千人  
范不得已退婚卽送還其母至弼世忌日女向夫墳哭  
奠拜見公姑執婦道甚謹追服夫喪居年餘以哀悴卒  
趙良富妻苗氏良富貧以賣炭爲業傷力死氏誓不獨生

母謹防之至殮日謂母曰彼將就木我當往視之久不返比往瞰已自縊溝中樹上矣

朱明縊妻王氏傳載藝文

賀進安妻劉氏傳附藝文

張子修妻段氏二十一歲夫亡乘隙縊於柩側紳士誅而祭之

王廷弼妻李氏傳附藝文

關鞏沂妻張氏夫死中州聞訃即欲自盡家人勸止之及沂柩歸里遠迎荒郊是日即自縊死

關文通妻吳氏年十七歸於關夫經商於外孝事孀姑夫

客死訃至取佩刀刺喉死前令表其門曰節烈可風

鞏茂倫妻董氏年二十三夫亡無子女視夫殮後即行自縊前令以心照皎日表其閭

庠生丁振武妻董氏妾陸氏振武病亡妾以身殉董撫孤

守志年六十而卒守節三十六年

黃健純妻張氏夫死他鄉聞訃即欲以死殉家人防之嚴

及夫櫬歸為夫無子立姪承祧後即經死學使鄒謂其

仁至義盡立匾旌之

農氏趙君輔妻陳氏既受聘母聞君輔有疾心甚悔氏白  
母以從一之義母頷之後歸君輔未彌月勸夫就醫外  
室躬任操作不以媼姑煩夫慮夫病劇與之訣氏欲先  
死以明已意夫慰止及夫亡泣血毀容水漿不入口母  
家有來弔者婦皆作永訣語辭別乘間投緘死縣令旌  
其門

李朝彥妻邵氏年十九歸於李甫兩月朝彥以家貧親老  
貿易於外越三載客死河南氏聞訃昏絕欲死姑泣勸  
之曰爾死吾亦死遂忍死奉姑二人相依爲命徐謀承  
嗣求之數十年不可得後姑死氏竭力喪葬亦自縊時  
乾隆二十二年六月也

安貞女事載藝文

王福田妻張氏事載藝文

楊培澍妻崔氏年二十七而夫亡無子惟遺二女嗣姪爲  
後女長適人爲嗣子娶婦婉順適氏意氏愛之未幾次  
女先逝子婦亦亡撫週歲孫三順鞠育成立復以癆死  
氏痛不欲生乘間自縊守節三十七年前令沈榮昌以  
霜筠勵節表其門

鳳凰集元 卷之一  
裴文奎女名鳳姐幼許字秦百川子模爲室未嫁而模死  
鳳姐聞而自縊前令繆其吉表其閭日以烈全倫

董士傑妻郭氏年十七于歸士傑因家貧親老貿易於外  
父母飲食多借氏力乾隆四十二年士傑客死於亳氏  
聞訃慟不欲生於是夜入室自縊里人爲釀金迎其夫  
柩合窆之合爲勒碑墓傍

張學會女名隆姐父母俱歿依祖母郭與伯母姚同居從  
弟建玉時尙幼乾隆十八年五月夏郭與姚率玉往田  
刈麥女呼鄰家一幼女伴針黹重門自外局里中惡少

范關保劉君虎偵知女家無人排闥入院女驚避內室  
以几案拄門惡少不能入併力攻其西牕女恐毀窻被  
污窘迫甚欲自投東窻逸出其窻以繩繫下臨深澗一  
丈許急嚙斷其繩連窻躍下負重傷死而復甦鄰人奔  
救祖母亦自田間來白於縣縣官給醫藥療其傷繫一  
人於獄月餘女憤自經縣令沈榮昌親爲視殮表墓  
薛效杜妻史氏年二十八夫客死於外遺孤甫三歲氏聞  
訃痛不欲生翁姑泣諭曰汝若死此呱呱者誰養之耶  
氏遂立志撫孤鞠育備至未幾子復天殤氏痛心已極

入夜自縊前縣繆其吉旌之

李天性妻牛氏年二十二夫亡上無翁姑子甫三歲誓欲以死殉夫因念幼子無依撫之成人可以衍夫宗祧已而子復病亡痛心泣血自縊而死前縣以霜白鵲紅表其門

王存義妻李氏祖姑申姑宋兩世撫孤守志皆以節稱氏年十九歸存義二十一而夫亡遺孤鳳鳴方在襁褓氏含慟乳育及稍能飲食隱泣曰有子可衍夫嗣有兩姑可托以撫養吾當見亡夫於地下矣乘夜自縊死鄉人

以三世節烈表之

樁妻苗氏幼端莊貞靜自持年十九而歸樁樁糊口他鄉家故貧氏憑十指以爲活計越數年樁死客邸氏聞之誓以死殉迎樁柩歸里遂自縊柩旁

王風淳妻宋氏年十七于歸風淳貿易他鄉數年無音耗氏以紡績爲生一日夫身抱病歸氏日侍湯藥求醫問卜卒不起氏仰天泣血俟含殮畢卽闔戶自縊時氏二十四歲

張性元妻陳氏年十七于歸越三年而夫亡家貧子幼氏



竭力撫養備嘗艱苦至十六歲忽以疾殤氏痛哭曰吾辛勤十餘年爲張氏一綫血脉也今子死夫絕吾又何生乎遂水漿不入於口入夜自經死前縣沈榮昌以茹荼完志匾其門

張聞喜妻薛氏年二十一歸於張越年餘聞喜隨人貿易天津以時疫亡氏聞訃欲以死殉家人日夜防範乃勉強進米粥苟延日月迨夫櫬歸里氏曰吾事畢矣遂自縊柩前

王廷選妻蔡氏青年歸廷選逾歲生一女選素有嘔逆症一發輒數日不止日夜侍湯藥及選病故而將遣嫁氏誓以死殉水漿不入口或勸之曰選止此一女子歸有期既已喪父忍使其失母乎自是飲食漸進越月粗備粧奩爲女結褵畢卽投縊自縊

鴻臚序班范和羹婢侯氏幼有至性舉止言笑循常度羹異之將納爲妾已有成言事未果而羹忽於疾暴亡氏哭曰吾將相從於地下家人頗聞其語而不之信及含殮氏周視其衣衾手足畢含笑而出急尋之則已於樓上自縊

烈女張氏農民國光女也幼恂謹寡言笑學為紡織操作  
 如成人許字同邑栗會公子新安時女年十七新安以  
 疾亡父母知女有至性諱其事女微聞之遂飲泣不食  
 欲以死殉母媿諭之曰汝未嫁猶未成婦改字他姓不  
 為失節女泣曰一縲定終身生不能為栗家人死願為  
 栗家鬼母見其志不可奪防之彌嚴出入與居飲食必  
 與偕凡鎌刀繩剪之類皆移置他所女忽強作色笑操  
 作如平時伺防護稍疎乘間自經死此乾隆三十年十  
 月日事也

世榮妻李氏年十七歸范范客河南氏代夫持家政孝  
 養翁姑勤於操作鄰里稱賢越數年夫病死旅邸氏聞  
 訃卽入戶自縊時年二十六歲無所出族人哀其志公  
 議立子承嗣

張天錫妻史氏年二十一夫亡呼天號泣水漿不入口誓  
 以死殉家人防之乘間自縊柩側前守朱樟賜額節烈  
 流香前令羅著藻立碑記其事

牛光妻孔氏青年歸於牛牛素有弱疾經年卧床褥氏躬  
 奉湯藥日夜不離纏綿數載而亡氏乘間入戶自縊死

前郡守匾其門曰以身殉烈

牛元輅妻張氏傳附藝文

楊爾中妻郭氏年二十八夫亡苦志撫子洪成立娶六連

氏生孫後洪客死湖廣連聞訃誓以身殉鄰媪或慰之

曰姑老子幼勿為死計連曰兒已九歲可以奉姑姑方

六旬尚可養兒吾必於地下事吾夫也未幾夫柩歸潛

入戶自縊於側郭乃撫養孤孫家貧不能自給日以紡

績為生備嘗艱苦俾孫成人至七十五歲卒守節四十

七年

王紹肅妻苗氏年二十六夫亡遺子女各一立志撫養越

二載子女相繼殤誓以死殉或諭慰之曰吾之所以欲

死者為亡夫無後也如為吾夫立嗣吾不死矣眾因繼

其胞姪為後氏闔戶自縊而死

孔得貴妻焦氏年二十苦節自矢教子文明成進士道守

旌表

張元孕妻王氏年二十一夫亡無子室中惟孀姑日相依

倚後姑欲改適氏痛哭留之不從氏承夫志猶餽姑衣

食姑歿乃已

參政張光奎繼室李氏年二十四夫亡撫子茂琨茂琨妻  
李氏年二十七撫子廷鑛廷鑛妻尚氏偕妾劉氏年二  
十撫子淮讀書入郡庠三世守節者四人撫孤成立卒  
成令器

時世英妻崔氏年十九夫亡奉養祖姑居數月遺孤復天  
喪氏賣衣飾營葬四棺後年老至七十餘家益貧終日  
團泥丸日賣數錢以自給里人哀之

史揚芳妻蘇氏子女俱無年八十餘奉養一百八歲之老  
翁家貧日往親串中必得少許酒肉佐翁食飲凡寢興

需兼氏扶掖不少離翁年踰上壽八十餘老媳無女無  
兒日必酒肉以奉孝思殊可感也

李化國妻原氏年十九夫亡遺孤彙征甫九月孤寡無依  
幾至不能餬口教子彙征已入泮復早亡再撫孫以綿  
似續甘心窮餓百折不回年九十三卒

裴述臯妻李氏臯死寇氏撫一孤待其成長無何亦相繼  
歿歿氏孑然獨守形影悲涼乃銷冠髻典質衣裙為夫

葺家廟并修其墓年七十四以疾終  
張國治妻趙氏治父承基為賊所繫治倉皇救護被殺氏

上事翁姑下撫稚子拮据以承天志年八十七而卒

生員張奇珍繼妻王氏年二十歸於張夫亡子幼姑盲於

目氏能曲盡孝養常藉織紉以佐甘旨兵火頻仍能訓

子學入庠孫曾亦善讀書以食餼列明經

裴秉彜妻王氏彜遭寇遇害室毀巢傾氏婉轉拮据保節

全孤七十餘歲逢彜忌辰猶痛哭不自勝也

大理寺張光前妻朱氏年二十一夫亡無子無女嗣子亦

復天喪苦節終身年八十五卒

趙吉妻秦氏弱歲夫亡長子甫五齡幼子未週三歲氏

姑甚謹一子牽衣相將顧復日勞瘁已而姑欲奪其志

懼違姑命無由白已意乃托言採桑竟縊死夫墓側

生員張肇興妻宋氏夫亡撫孤子象瑗入泮年老康強猶

代子婦總理家政撫育諸孫

廩生張姿超妻袁氏夫為族人所構不得於母無以自明

自經死氏年甫十九矢志堅貞家人屢挫辱之逆來順

受卒完其節守志四十年前督使旌以匾曰苦節可貞

生員張姿迥妻宋氏州同知宋鴻之女孫迥少有雋才鴻

招為女孫婿結褵二載迥亡氏誓以身殉翁姑嚴防之

求死不得乃矢志自守以全節終與超妻稱雙節云

田光耀妻王氏年二十四撫五歲孤俾之成立守節四十餘年

生員田種金妻王氏撫懷抱孤有成娣姒相依諧和一室事親教子各盡其道

生員李楷妾李氏年二十九夫與嫡室偕亡氏撫孤先登朝夕誨訓至於成立先登起家縣令終郡倅俱以廉潔稱亦足徵義方之訓矣

知縣丁其泰妻李氏泰以病卒於官遺孤尙幼氏挈子扶

柩歸里門事八旬舅姑生養死葬無失禮撫孤子韶教

養兼備食餼於庠

生員段萬鍾妻任氏萬鍾歿氏年十八幾不欲生姑諭之

曰爾方有娠且待生男女後以決存亡何如乃強起飲

食果生子克勤讀書領鄉薦

張茂晟妻宋氏年二十六而寡遺孤方九歲辛勤鞠育既

娶婦生子復早亡再育孤孫以存宗祀稍長入郡庠

尹芳妻司氏夫亡年十九家故貧每飯常不飽時時揮淚

見姑嫜則強為色笑弗使老人有憂色撫二歲遺孤艱

鳳臺縣志 卷之二  
辛萬狀卒克有成

李興隆妻秦氏年二十夫病亡既而翁姑相繼謝世子女及嗣子旋復淪喪氏哭夫哭子哭舅姑終其身無虛日屢營喪葬血淚爲枯年七十餘顛連愈甚聞見者莫不酸楚

進士翟于盤妻郭氏盤領鄉薦卒於塗時氏年二十四無子操井曰孝養翁姑立姪爲子撫之成立

王順德妻趙氏年二十一夫亡遺子方週歲翁姑年老氏曲盡其道俯仰無慚先是其父欲奪而嫁之氏堅不從

卒成其志

生員何振繼室申氏夫歿時年十九二子俱在襁褓八旬老翁久困床第氏移居村舍親視耕桑以謀衣食奉舅食飲無缺失凡舅所需中裙廁踰皆親爲浣滌教子亦克有成道守累加旌表

韓瑒妻侯氏年十九生子甫三日夫亡舅姑年已耄耄奉老存孤皆無倚藉氏終日養蜂賣履爲日晚之需俯仰藉以不匱

生員張彥妻孫氏二十五歲夫亡教子追騏已食餼早歿

媳李氏生孫亦天喪姑媳相依計無所出乃立姪承祀  
教之讀書亦早歲入泮婦姑兩世水操閨門肅穆四十  
餘年如一日

監生張加侯妻孔氏夫亡年十九無子事孀姑朝夕定省  
不怠越二十五載叔生幼子始嗣之乳哺撫育曲盡劬  
勞守節四十五載

廩生鍾世芳繼妻朱氏年十九喪夫事孀姑甚謹撫前氏  
子教養如已出世芳兄與弟相繼淪亡氏代撫孤姪並  
鞠養襁褓姪孫顧復淪於常

星子珣妻王氏夫亡年二十三無子又無舅姑伯叔相依  
倚室中惟稚女一人門庭衰冷迨女適人孤苦尤甚氏  
正靜自好足不踰閨守節四十餘年

監生崔鐸妻李氏年二十三子女俱無惟老姑在堂朝夕  
奉事氏念夫不已終日號哭卒至喪明死

宋黼皇妾徐氏年二十夫亡日與嫡室相依無何嫡室又  
卒乃繼姪爲嗣澹薄勤儉以終其身

廩生李捷妻王氏年二十五而寡家徒四壁敬事老翁遺  
孤二未離襁褓菽水乳哺之資悉取給於十指子茲彥



列明經萃亨中副榜

趙昭妻韓氏年二十五夫亡初欲以死殉姑諭以存孤大義勉從命家故貧氏勤織紡以供俯仰姑歿喪葬皆如禮訓子貞元入貢大廷諸子孫皆有才名

張二典妻原氏夫亡年二十五時老姑在堂厥子呱呱未離襁褓氏耕桑力作以孝養其姑教育其子姑既歿持据營辦諸大事無缺失後嗣皆賢能有家法卒年七十有八

王廷相妻李氏年二十二廷相歿氏事舅姑盡禮撫遺孤

一皆有成未幾相弟廷佐卒無子氏命次子往繼之傳不泯其宗祀守節六十年卒年八十二

王國明妻張氏年十九夫與嫡室一時並歿身無所出惟嫡子一人始五歲姑老家貧衣食殊苦乃日勤紡績以供旨甘教子各卿早年入泮中道子復亡教育二孫艱辛愈甚厥後長孫進德遊庠次孫承德以明經任祁縣訓導卒年九十三

監生趙廷對繼妻馬氏二十一歲生女甫三月夫亡惟前氏遺子三氏撫育備至皆有成方夫之歿也氏哭之甚

鳳臺縣志 卷之十一  
哀欲自縊家人救止之乃已學使嵇聞其守義特加旌表

史綸章妻蔡氏夫亡年十九遺子從性始一歲家苦食貧氏竭蹶女紅以養其子後爲子娶婦子復亡媳呂氏時年二十有三無所出姑媳孀居苦節五十餘載年七十而終媳呂氏守節三十九載卒年六十有二

祁在中妻晉氏夫亡時年二十六遺孤贊皇始一歲遭家奇窮無以爲殮氏脫簪珥營辦之依棲母家教養遺孤至於成立年七十餘以疾終贊皇性純謹事母以孝聞

生員王式斌母張氏守節四十餘年克事翁姑孝養兼至教子力學成名

生員張統妻賴氏少年夫亡無子女撫養嗣子大蘊成立年九十六以病終

監生陳朝宣妻張氏夫亡遺孤溥甫三歲茹荼撫育俾得讀書入泮歷徧艱辛內外稱之

趙祚昌妻申氏家甚貧遺子俱幼勤苦教養俱各成立享壽八十五歲苦節五十七載

副榜王十臣妻郭氏自甘澹薄孝事孀姑苦節六十年壽

八十有六

邢縣訓導王承德繼妻楊氏撫育前氏子不啻己出苦節冰霜五十三載年七十八而卒

武生郭鎮遠母張氏夫死守節三十二年事姑訓子各盡其道

申彥妻蔡氏合卺五月夫亡屢次投繯翁姑力勸之始止苦節自貞堪爲女範

生員李維漸妻崔氏夫亡年甫十九遺子植方一歲氏劬勞顧繆少長嚴課誦書俾之成立守節六十餘載年八

十三而卒

王式舜妻韓氏年十九夫亡事姑十餘載殷勤周至姑歿哀毀成疾而卒

王嗣隆妻崔氏合卺未及二載夫亡年甫十九氏方娠後生子教養備至堅持貞節鄉里稱賢

任門二節任世業妻李氏夫亡遺子未週歲家貧困苦度日撫孤一十八載娶婦生孫未及三歲子又病亡養老

育孤艱辛萬狀舅姑歿喪葬循禮守節五十八載姪孫婦李氏任永安妻亦守節撫孤一門二節真堪媲美

王公田妻馬氏夫亡無子事八旬舅姑撫伶仃三女勤儉  
持家養生送死胥盡道苦節五十餘年享壽七十有七  
王仲友妻王氏夫死日號泣欲自盡防之未遂憂鬱成疾  
期月吐血死

賈奇英妻趙氏守節四十四年事姑盡孝教子成名

賈斌妻武氏夫亡貧甚勤紡績以事翁姑訓子成立年七  
十一歲苦節而終

秦時泰妻朱氏年二十七夫亡長子方四歲次子尙在襁  
褓家貧紡績度日撫子有成守節三十五載

柴子實妻張氏夫死他鄉遺二子俱幼俯仰無資  
給於十指舅姑賴以終養子稍長卽命往迎夫柩歸葬  
成禮戚黨皆稱其賢

關中妻陳氏夫亡遺子二俱幼祖姑八旬餘老病不能飲  
食氏日以乳乳之疾遂愈衣食無資艱辛以供俯仰哭  
夫哀慘兩目喪明憂勞成疾而卒

周贊堯妻宋氏夫死家貧奉姑嫜撫孤子守貞自誓歷久  
彌堅年七十而卒

陳君輔妻王氏夫死中州聞信毀顏改粧閉戶自經死懷

慨赴義節烈可風

卻繼統妻郭氏夫亡年甫二十九郭躬自紡績勤操作以孝養舅姑撫二子俱有成前太守許謂其苦節足以維風爲旌表之時年七十餘守節已四十載

董英傑妻高氏夫亡勤紡績以佐養殮衰老祖舅弱歲孤兒俯仰各遂其欲苦節四十二載以疾終

王祖乙妻李氏年十七子歸未踰年夫遠遊杳無音耗母命改適氏持刀截髮誓無他志生遺腹子撫養既成立命出外徧訪父屍不得存日望空遙拜以終其身卒年

八十六苦節六十餘載

生員趙嘉祿妻馬氏夫死飲蘖茹荼撫孤孫備嘗艱苦守節四十餘年卒

生員苗進元妻徐氏年二十五夫亡矢志撫孤艱苦備嘗爲子娶妻生孫子復殤復養其孫成人守節六十一年次孫裔綬妻曲氏夫亡時年二十九歲茹荼自守苦節四十一年曾孫允芮妻李氏年二十餘夫亡亦以哀悴而死時稱苗門三節

庠生田均妻王氏夫亡無子立從子以承夫祀敬事翁姑

日勤紡績苦節三十五載

薛九州妻岳氏弱歲喪夫事舅姑以孝聞撫遺孤俾之成立聞黨賢之

國學生楊瑄樹妻李氏栢舟自矢痛夫乏嗣以姪爲子嗣養未幾復天喪氏痛心疾首憂憤而終

楊衣綠妻趙氏偕伉儷僅三載夫歿閉戶幽居堅貞守節王建中妻申氏于歸三載夫亡孝事高堂撫孤成立孀居六十餘載年八十餘卒州守屢加旌表

李際國妻段氏年十八夫亡養八旬老姑撫五月稚子苦

節三十六載

張灝妻趙氏庠生張廷僚母孝養姑舅教子成立苦節四十年州牧給匾優獎

張懋修妾史氏性和順自夫君喪後訓子開先成立嫡武氏遇側室亦賢而有禮以是庭無詬詈和敬相將並壽登耄耋而卒

王廷輔妻柴氏夫死家貧日晝佃田力作夜則勤縫維撫孤成立初夫之喪其母欲奪而嫁之誓不從苦節四十餘年而卒

生員史瑞麟妻郎氏一門三世兩寡六孤家故貧氏孝養孀姑撫諸子皆成立享壽九十而終

宋門二節宋喬妻董氏夫亡遺子珙甫三歲勤勞撫育娶婦董氏生孫纔數月珙復亡姑媳二人苦守孤孫成立俱享永年州守陶自悅嘉其三世節孝以匾旌之

張賜官妻李氏夫亡撫孤成立矢志靡他

張啟蒙妻王氏茹荼三十五年撫孤光台成立事上御下曲盡其道學政文翔鳳為誌其墓

崔蘭芳繼妻王氏年十九歸芳及芳歿撫前妻子瑄如已

出往就外傳凡書紙筆墨氏以女紅佐之瑄後食餼膠

岸皆稟母訓守節四十餘載七十一而卒

王楚妻梁氏年十七歸楚閱二載楚賈客他鄉中途病死氏聞初欲自盡繼以旅櫬未歸為憾遂鬻簪珥求人徧

訪終不獲朝夕哭泣盡繼以血尋痛夫乏嗣族弱又無繼其後者含悲數月抑鬱以死

生員梁戊生繼妻張氏歸戊甫一歲戊以病亡氏斷髮自

矢未七日即投縊自盡縣尹聞而旌之

廣西賀縣典史劉廷瓚妻王氏夫亡孝事翁姑教二子德

成名立州守陶給匾優獎

趙熙妻張氏夫亡氏年十七無子張事翁姑曲盡其禮復以兄子流謙爲嗣時流謙方一歲撫育成立名列膠庠苦節四十四載而卒

國學生王純仁妻郝氏仁亡氏欲以死殉姑防閑甚密乃止遺子女二人亦未暇顧復惟日夜哀號慘怛聞見者莫不心碎踰九月竟痛死子肇勳有聲黌序

秦廣壽妻姚氏年十七于歸未二載夫亡遺子一尚幼氏兢兢顧復事舅姑甚孝後不幸子復亡又撫二孫教其

成立守節五十八年州牧佟給扁旌表

劉門三節劉登甲妻牛氏夫亡撫四歲孤兒子死又撫孤孫成立守節五十年壽八十劉掄甲繼妻王氏夫亡撫遺腹子有成不幸子亡又撫其孫守節四十載劉淳妻宋氏撫孤成立守節四十載

生員田丙光妻陳氏夫亡氏年二十五遺子二長甫九歲次二歲時家難紛紜陳堅持大節善撫其孤二子俱成立苦節三十餘年長子增璵任雲南馬龍州吏目

生員張淮妻關氏夫亡氏年二十九上事高堂下撫穉子



苦節三十載

鍾珮基母丁氏夫亡珮始生三月氏抱孤而泣凡寢與飲食必時時顧復之卒能成立守節四十餘年邑令給匾優獎

舉人李撰妾馮氏增生李葆光庶母初夫歿時馮年二十欲以死殉戚黨勸止之既而母欲奪其志馮堅不從時葆光少小無依馮力持門戶樽節財用俾葆光銳志力學爲名諸生苦節四十年卒

監生李勳妻司氏二十四歲而夫亡子承業方五齡時舅

姑早沒堂上惟八旬祖姑氏早夜承歡視膳無缺承業力學入庠苦節三十八載卒年六十有二  
庠增生王潤妻趙氏年二十三夫亡育子維本食貧讀書後變計業醫活人甚衆世稱母訓居多云守節五十七年卒

宋門二節國學生宋軾妻張氏宋懿妻申氏俱無子女寂處閨閫中潔清自守名播鄉間

王琬妻郭氏夫亡遺孤尙幼郭自甘澹薄撫子能睿讀書列名貢士州守屢旌其門

王仁妻崔氏鴻臚寺主簿王振羽母夫亡家苦食貧氏甘  
守清操訓孤成立苦節三十八載

張悅修妻溫氏夫亡遺孤方六歲日教以讀書進取兒獲  
成立苦節四十五載壽七十餘卒

張軫妻溫氏夫歿時姑衰子幼氏獨立承家俯仰俱無愧  
色嘗云世人以死殉其夫吾獨以不死報吾夫耳

秦門四節秦敏妻黃氏夫亡撫孤守節四十七年秦熙和  
妻王氏結褵未久不幸夫亡苦節食貧義方教子秦熙  
緝妻聶氏秦熙載妻趙氏各守冰操娣姒間從無忤色

實閩中之模範

郭毓禮繼妻張氏夫亡年甫十九無子慟哭悲號願以身  
殉宗族立其姪以嗣之氏苦節訓養歷四十年而歿

田存信妻梁氏年十八歲適梁甫三月夫亡慟哭幾死賴  
舅姑勸慰因而自全後舅姑相繼而亡氏孑然一身艱  
苦備嘗惟以紡績度日苦節三十七年

王培正繼妻張氏夫亡長子五歲次子生未踰月氏號泣  
幾至殞命尋以藐孤未成立勉留餘生以教養厥子如  
是者三十六年子王哲王毅俱克有成鄉里奉爲儀表

翁禮生王式符妻王氏夫亡家甚貧孀姑在堂二子尙幼氏勤儉持家仰事俯育教長子敏遊庠早逝次子亦亡再撫兩孫成立長孫欽典已爲諸生人以爲苦節之報生員張追驥繼妻李氏結褵未及一載夫病亡李年甫十七無子乃立姪全誠爲嗣全誠方六歲鞠育訓誨名列膠庠苦節四十餘載

生員孔毓濬妻聶氏年十六于歸甫三載夫寢疾氏願以身代卽赴井中幾死家人援之得免及夫卒又欲引刀自刎姑慰之乃止後立姪傳植承夫嗣愛如已出教之入成均苦節四十餘載

王王氏山東鹽法道王廷掄側室夫歿氏年二十四水漿不入口誓以死殉時生子甫三月宗族論以輕生棄子非義乃撫子苦守教育成人三十餘年以子鏗貴受封如例



鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

鳳臺縣志卷之十

